

DEN AMBIENTE

NA MI COLEGA DONNY LACLE...

"CANI MI PA MI CANI BO"...

**** Apreciable colega Donny Lacle, danki pa bo critica (destructivo) na mi persona como M.C. durante e eleccion di reina di carnaval. Donny bo noticia tabata hopi laat, ya cu nunca prome mi NO a yega di fungi como maestro di ceremonia na ningun evento importante. Ta solamente nan conoce mi como animador di BINGO, na unda mi ta invita bo y si bo kier mi mes ta cumpra un caarchi di bingo pa bo, pa asina bo por haya mas material pa sigui critica mi. Donny Lacle mi ta completamente di acuerdo cu bo, cu mi forma di M.C. no tabata esun mihor. Lo mi a aprecia si bo por duna mi un tiki les con pa fungi como un bon M.C., ya cu despues di a subi**

riba escenario sin tabata prepara, mi a haya HOPI GANA pa otro aña mi tey un biaha mas, pasobra mi ta un persona cu NO TA ENTRE-GA FACIL. Mi ta un persona cu a lucha hopi den bida y mi ta un "SELF MADE MAN" cu a siña tur cos den "THE HARD WAY". Donny mi kier pa bo prueba ta ki dia mi a gaba cu mi ta domina cuater idioma. Si mi ta gaba cu mi a bay LAS VEGAS y INDIA, anto mi tin e PLENO DERECHO pa GABA, ya cu mi ta considera e dos TRIUNFONAN aki como uno HISTORICO y cu hopi AMOR y ORGUYO mi a sa di contribui pa mi pais natal ARUBA. Bisa mi Donny, si aki na

Aruba nan NO ta duna bo e merecido reconocimiento, ta ken bo kier pa duna bo e anto??? Hendenan FRUSTRA manera ABO, cu ta AMARGA bida di tur hende aki na Aruba. Ami JAN POETS lo keda GABA tur locual cu mi hasi POSITIVO na bienestar di mi dushi pais Aruba, pasobra ami semper no a wak kico Aruba por hasi pa mi, PERO KICO AMI POR HASI PA ARUBA. Y si mi logra cosnan grandi manera mi a logra tanto na Mexico, Las Vegas, Puerto Rico, India, Colombia, Venezuela, Texas, New Orleans, Miami, Santo Domingo, Curacao, St. Maarten, Bonaire, Boston,

New York y Hulanda, lo mi sigui GABA mi mes, pasobra ESUN CU POR, POR. Anto Donny na unda abo y tur e otronan cu a critica mi a keda na momento cu mi a bay defende y apoya Ritsma Croes pa nos dushi PAIS Aruba na Medellin, Colombia durante eleccion di reina de las flores, na unda mi a hera di muri y cu nan a bay cu mi maleta di paña (laga mi solamente cu mi paña na mi curpa), mi camera valora na tres mil florin, mi joyanan y tambe mi album y agenda di adresnan di tur e artistanan cu mi a yega di entrevista manera e.o. Celia Cruz, Juan Luis Guerra, Tito Puente, Gloria Estefan y hopi mas. Donny di

con e dia ey abo y tur esnan cu a critica mi cu mi tabata un berquensa nacional durante eleccion di reina, no a organiza un teleton nacional pa asina mi persona y demas personanan cu a bira victima di e atraco, por a sikiera recupera di locual nos a sufri. Ta asina a para bira na Aruba, ora bo tropica, nan ta trapabo pa mata, anto ora bo hasi algo bon, tambe, bo NO mag di GABA. Colega Donny Lacle ricibi un cordial saludo riba e ritmo di e cancion aki..."CANI MI PA MI CANI BO" y finalmente ta desea hopi exito cu MADAM JANETTE(SORRY Donny mi tambe por quiboca] !!!!!.

DESPUES DI "HISA MI SALARIO"...AWOR "SUAVE" LO TA E PROXIMO HIT DI CLAUDIUS & OREO...

**** "THE KING HIM SELF MIGHTY TALENT" durante e temporada di carnaval a causa un impacto total cu su hit "Hisa mi Salario". Tambe su calypso "Who's the enemy" y e roadmarch "Saco bashi" tabata topiconan clave durante carnaval..**

**** Despues cu CLAUDIUS & OREO a cosecha un exito rotundo cu nan hit promocional "Hisa mi Salario", cual ta e titulo di nan reciente disco compacto, awor a toca turno pa e siguiente tema "SUAVE" bay carga e disco compacto di Claudius & OREO. Ta trata di un tema cu ta contene e ritmo contagioso tan gusta di Claudius & OREO. Durante e festanan bailable di Claudius & OREO e piesa aki ta masha gusta na momento cu Claudius & OREO ta pone e parehaan den un tremendo kick di "suaveheid" riba pista di baile. Por a compronde tambe cu Claudius & OREO ta saliendo pa madre patria Hulanda dia 27 pa dos presentacion y nan lo ta bek dia 31 di Maart. E promotornan di Pleasure Promotions kendenan tin e prestigioso revista farandulero Pleasure a contrata Claudius & OREO pa e dos presentacionnan na Den Haag y Utrecht. Por a compronde cu ya caba expectativanan ta sumamente grandi pa e unico dos presentacionnan aki. Ta trata di dos solo presentacion cual sigur lo bay tin un asistencia masal y tur cos ta muestra den direccion cu esaki lo bay ta un exito grandi. For di awor caba DEN AMBIENTE ta desea Claudius & OREO hopi exito cu nan viahe pa Hulanda...**



**** ESAKI TA E BRASS-SECTION FUERTISIMO Y SUAVE DI CLAUDIUS & OREO...Johnny Rivero (trompet), Arnaldo "Bibi" Gibbs (trombonista), Reinaldo Suares (trompet) y Tarzan Jimenez (trompet)...**